

## Heit geht's zum Gaufest auf!



1. Is des a Glück! Heit stimmts genau  
a grat heit is da Himme ganz blau  
heit haun si de Kloana wia de Großn  
ins Dirndlgwand und in d' Lederhosn

2. Unsa Vorstand, der Schorsch, is scho ganz sche gspannt,  
und denkt wos do heid ois danem geh kannt  
de Musi, de spuit auf amoi so laut,  
dass de Oidn scho fast von da Bierbank haut

### REFRAIN:

*Juhui! Ei ei! Heit samma mit dabei!  
Heit geht's los, heit geht's auf!  
Heit samma so guad drauf!  
Heit gehts zum Gaufest auf!  
Heit geht's los, heit geht's auf!  
Heit samma so guat drauf!  
Musi spui auf!*

3. Da Pfarrer, der trinkt heit a ganze Mass,  
heit is er lustig, heit hod er Spaß.  
Kaplan hockt mim Händi nembeido  
und filmt, dass er bei facebook wos postn ko.

4. Burgamoastarin hockt a mim Dirndlgwand do,  
obwois ned amoi gscheid boarisch ko!  
Gauvorstand hod an Pflam zum Tracht'ngwand,  
so groß, dass ma glei damit zammkehrn kannt.

### REFRAIN:

*Juhui! Ei ei! Heit samma mit dabei!  
Heit geht's los, heit geht's auf!  
Heit samma so guad drauf!  
Heit geht's zum Gaufest auf!  
Heit geht's los, heit geht's auf!  
Heit samma so guat drauf!  
Musi spui auf!*

5. Da Feiwehrvorstand is a scho do  
und schaut wiara heit no sein Durscht löschn ko.  
Da Chef vo de Vetrana hockt a dabei,  
und midnand sans dem Guaden heit wieda treu!

6. De Oid'n, de machan an Sternatanz,  
für's Plattln und Drahn, do glangts ned ganz.  
Sie schwitzn und schnaufan: O mei! O weh!  
und d'Haxn griangs nimma gscheid in d'Höh!

### REFRAIN:

*Juhui! Ei ei! Heit samma mit dabei!  
Heit geht's los, heit geht's auf!  
Heit samma so guad drauf!  
Heit geht's zum Gaufest auf!  
Heit geht's los, heit geht's auf!  
Heit samma so guat drauf!  
Musi spui auf!*

7. So a Gaufest, ja des is a bärigs Fest,  
mia gfrein uns, dass es heid seids unsre Gäst!  
Am Tisch drob'n do stängan de Goaßlschnoiza  
und schnoizn uns jetz glei an Gaufest Schnoizal!

### REFRAIN:

*Juhui! Ei ei! Heit samma mit dabei!  
Heit geht's los, heit geht's auf!  
Heit samma so guad drauf!  
Heit geht's zum Gaufest auf!  
Heit geht's los, heit geht's auf!  
Heit samma so guat drauf!  
Musi spui auf!*

Das Lied heißt in seiner ursprünglichen Fassung : „Heit stelln ma an Maibam auf!“ Erschienen auf der CD „Bayerische Kinderlieder“, „Drunt in der greana Au“ des Sternschnuppe Verlags.

Ein herzliches Vergelt's Gott an Werner Meier und Margit Sarholz, dem „Sternschnuppe Verlag“, dass wir eine eigene, individuelle Fassung für unser Gaufest in Pang erstellen und zur Aufführung bringen durften. Vergelt's Gott auch, dass sie durch ihre Musik immer zur Erhaltung unserer wunderschönen bayrischen Sprache bemüht sind!

*A Fest für unsa Hoamat*

gaufest2019.de

